

بهاره
فروغ



نمبر

1

چريتا هق بري اورغ تاريخ هاتي

اد سبواه كمفوغ دوق دتغه بوكيت. كتوا دي اورغ هق بيجق فندي، نام دي فق لوغ. دي فادول سوغكوه كا اورغ دالم كمفوغ تو. دي دوق باوا اورغ بري تورو هق موليق. دي فندي بري نصيحة كا اورغ، فس دي كرت سين هق عاديل اتس بوكو ۲ اورغ سعمور. اورغ كمفوغ تو فون سموا برکنن كا دي.

فق لوغ ني فندي جوکد رويت چريتا چارا حال بناتغ ۲ دالم هوتن هق بري اورغ تاريخ هاتي. چريتا هق فق لوغ دوق رويت تو اد توجوان. دي نق بري اورغ فهم چارا حال توهن دغن مائسي، فس نق بري اورغ ميکير کات هاتي دي سنديري موليق کا دق دفنداغن توهن.

فرغکف هق بري ماتي

فق لوغ کات: اورغ هق تورو فيکران يغ بودوه، ننني اورغ تو نق چاري سوسه ماري بوه دالم فروت.

سموا اورغ هق دوق سيتو فون، هغکوق کفلا کات: «ها سوغکوه!» فس فق لوغ مولا ي رويت چريتا ني:

اد سئورغ فمبورو دوق دالم هوتن. فد ساتو هاري دي بوات فرغکف نق تاهن کرا. مولا ۲ دي امبيق تين

مبيق هق كوسوغ، تبوق لوبغ سمفیت بالیق اتس تین تو.
 فس تو دي امبيق باتو ۲ هالوس دغن فاسیر بوه دالم تین
 نق بري برت. لفس تو دي امبيق کاچغ کوریغ هق باؤ
 باغین، بوه دالم تین جوک. بالس توله دي بوات فرغکف،
 فس بیلا سیف ده، دي امبيق کي لتق دباوه فوهون کایو
 بسر دالم هوتن. فس دي سندیري کي منوسوف بالیق
 فوهون کایو سا لاکي.

تا ۲ لام انق ۲ کرا ماري بايق ايكور. باؤ کاچغ کوریغ تو
 بري دي ترلیور. کاچغ کوریغ
 تو هق دي براهي سوغکوه. اد
 انق کرا سئیکور هق نام
 چیاق. چیاق سائي ماسوق
 دکت تین نق تیغوق اف اد
 دالم تین تو دي کات: «اوه!
 باؤ سدف سوغکوه!»



فیکران هق کرا بالس ني: کالو نق ماکن، کنا هولور تاغن
 دالم لوبغ تو، امبيق ساج!

دي فون هولور تاغن دالم لوبغ امبيق کاچغ سچکق،
 فس دي تاریق تاغن نائيک، تافي تاغن لکت سلالو دلوبغ
 تو، سبب دي دوق چکق کاچغ بايق بوتیر. چیاق فون
 تریاق دغن سوارا درس، کران تاغن دوق لکت، نق

چابوت تالیه. انق ۲ کرا سموا تو فاکت تریاق سکالي،
سروف دي دوق نصیحه کا سائین دغن بهاس کرا دي.

تالام بوپي بیسیغ هابیس دالم
هوئن تو. تافي انق کرا دوق
کاچغ تاریق تاغن نق بري
توبیت، تافي تالیه جوک
کران دي تأسیر لفس کاچغ
کوریغ هق دوق چکق تو. دي
کاچغ تاریق، کاچغ تاریق،
کاچغ تاریق سمفي هابیس ریغ، تافي تاجادي جوک.
اوه، فندي سوغکوه، فمبورو هق بوات فرغکف لاکو تو.



اد سئیکور جیرافه دوق دسیئو
جوک. فیکران دي مولیق فد
کرا، فس دي دوق نصیحه کا
کرا تو کات: «مو کنا لفس
کاچغ هق دوق چکف تو فس
تاغن مو بولیه توبیت سلالو»
تافي کرا تال دغر. ایکوت

فیکران هق کرا تالفس بارغ مکانن هق دوق چکق ده.
جیرافه تو کیچیق فول کات: «جادي کاچغله هق بري تاغن
لکت. لفسله کاچغ تو بارو تاغن مو بولیه توبیت فد تین».

تکه تو جوک، فمبورو توبیت ماري دغن سوک هاتي.
 دي باوا سارغ هق بوات دغن بولوه، فس دوق فکغ
 توغکت هق برت. دي فون ماسوق کهور ۲ دکت انق کرا
 تو. کرا تو فون ترکجوت سوغکوه. دي لاري سکالي دغن
 هيريق تين تو، تافي نق لاري تاليه، تاغن دي فون
 تالوچوت.

فواق ۲ کرا هق دوق اتس فوهون کايو تو فاکت ترياق
 دغن سوارا درس. جيرافه هق
 دوق تيغوق سائي فون، دوق
 سوروه دي کات: «لفسه
 کاجغ! لفسه کاجغ! فس تاغن
 مو نق لوچوت بري بوليه
 سلامت!» تافي کرا تو تالفس
 موده ۲ مکانن هق سدف.




فمبورو تو فون اغکيت توغکت کودم انق کرا - لبق!
 لبق! انق کرا تو فون ربه ترلنتغ سلق، باروله تاغن دي
 لفس کاجغ کوريغ هق دوق کغکم دالم تين تو. تو فمبورو
 تو فون امبيق کرا بوه دالم سارغ دي.

سوځکوه له، انق کړا تو لکت ده فرځکف، سبب دي
توروت فيکران هق کړا، فس فيکران هق کړا تو بودوه.

بيلا فق لوغ رویت سوده ده چريتا تو، سموا اورغ
هق دوق دغر دسیتو فاکت سپف بلاک. فق لوغ فون فالیغ
تیغوق کا فواق تو، فس تاښ دي کات: فرځکف دالم
چريتا تو اد بنديغن - اديق کاکق بولیه کامق کا دق، نق
بنديغ دغن اف فرځکف تو؟ اورغ ۲ تو دوق کیچیق
کوهور ۲، فس اد سئورغ هق جواب کات: «فرځکف تو
سروف نفسو کیت، هق نق کا ساتو فرکارا تا بري لفس».


فق لوغ کات: «ها سوځکوه! فس سابیت اف کیت
دوق توروت نفسو تو؟ سبب اد سعمور طبیعه هق نق
بوات دوسا، دوق لکت دالم هاتي مائسي کیت. ننني
ایسوق امب نق رویت چريتا سا لاکي بري اديق کاکق
دغر».



بوات دوسا اد حکومن

فق لوغ رویت چریتا سا لاکي بري اورغ کمفوغ
دغر. دي تاهو ده، اد اورغ هق کات، کالو بوات دوسا
تأف، لام ۲ تأکنا کيرا ده، سروف تأد. اد جوک،
اورغ هق کات حکومن اد، تافي بوليه لاري لفس. سابیت
توله فق لوغ دوق رویت چریتا ني:

اد فوهون کايو بسر دافن رومه تو نين. دچله اکر
فوهون کايو تو اد لوبغ. دالم لوبغ تو اد اولر بيسا هق
دوق سکلامين. هق جنتن، دودوقکن دي، نق ماکن
سعمور. بوليه اومفن بايق مان فون، تأبراس کپغ لاکي.
دي دوق مغيقيق کا بيني دي، کات: «تيغوقله اديق! ابغ
دوق کوروس ماکن اومفن هق اديق چاري، تأبياس کپغ



سعمور! بيني دي جلن
ليده دوا تيک کالي کات
«ها! بالس توکە؟ کالو
کيتو باؤف تأکي چاري
ماکن سنديري نق بري
کپغ؟» اولر جنتن بوات

سوارا «هيش! ابغ نق کي چاري ماکن سنديري. نق کي
تمفت لائين فد اديق، تمفت بوليه ماکن دغن سمفرن!»

بينی فون جواب: «جاڳ بائیک ۲له! تاڪوت ابغ نق
 سوسه! ماس فروت لافر، فيکران تاُجالن! فيکران ابغ تو
 تاُموليق ده، نائیک فانس بالس ني!» لاکي دي کات:
 «هق مان ابغ نق بوات ني، ابغ تاهو ده نق سلامت . .
 ابغ تاُکنا سوسه . . ابغ ني چریدیق!»


بينی کات: «ها سوغکوه!» فس دي لوده توبیت بیسا
 سیکیت. لاکي دي مئنجیغ کات: «اورغ بتینا ني براهی
 مئغیفیق سوغکوه! مولوت باق!» دي کیچیق بالس تو بلغ ۲
 کلوغسور توبیت کی ماسوق دالم رمفوت دکت دغن رومه
 تو نین تو.



انق جنتن تو نین دوق فیرا ایم توجهه ایکور. اد
 ایبو ایم هق راجین برتلور، نام دي «مق کتق». تکه اولر
 ماسوق دکت کا رومه تو، با مولیق دغن ماس مق کتق
 دوق برتلور. بیلا برتلور سوده ده، دي فون برکتق دغن
 سوک هاتی.

بالیق اولر بیسا فول، تکه تو دي لافر ساغت. با دي
 دغر سوارا مق کتق برتلور ده، دي فون چلیق مات لواس
 کران دي تاهو کات نق بولیه مکانن. دي کات: «اه!
 سروف مق کتق دوق فغکیل اکو کی ماکن درومه دي!»

اد چله ددينديغ بوليه ماسوق كا تمفت ايم. اولر فون
كلوغسور ماسوق كو چله تو دغن سېف ۲. دي نمفق سلالو



تلور سبوتير دوق دافن
دي هق سوام ۲ سروف
چادغ ده انتوق دي. دي
فون غاغا مولوت بري
لواس، فس تلن تلور تو

سلالو. تلور تو فون دوق لكت دالم تكق نمفق بونچيه
تريق تافچه لاکي. اولر فون فاليج كلوغسور توبيت كو
لوبغ سائي. كفلا كي بوليه، تكق كي بوليه، تافي بيلا
سمفي تمفت بونچيه تائيه كي، لكت کران تلور تو.


اولر فون رمبس توبوه
سکالي نق بري تلور
فچه. تلور فون فچه بري
مسرا كي دالم فروت. .
.. راس سدف!



فس دي بوليه توبيت كي دغن سلامت. لفس تو دي کليق
ماسوق دالم سارغ دي دباوه اکر فوهون بسر تو دوق
تيدور سنغ.

ايسوق فاكي، بيني دي ماري كرق کات: «هي، ابغ
رايب كي کمان سمالم؟ كي بوات اف فول؟» لاکي دي


فون موريه. دي رمبس ايكور دي دغن جلن لیده دوا تیک
کالي. «جاغن کوسيقله، ابغ نق تیدور! ابغ توروت فیکران
هق ابغ سندیري، بولیه ماکن بری کپغ سلالو، تأسروف
تکه ماس ادیق دوق چاری اومفن بری کا ابغ، دق!»



دي فون فجم مات
تیدور سمولا. تافي
بینی دوق مغيقيق
لاکي کات: «ها! ها!
جاک بری مولیق ۲.
هق ابغ توروت فیکران

ابغ سندیري تو، نق چاری سوسه ماری بوه توبوه ساج!
تافي تو لاکي دوق سپوم ساج . . دي تأسوريه . . فروت
دي کپغ ده.

فاکي ايسوق، دي دغر سوارا مق کتق، دوق برتلور
فول . . سروف دوق فغکیل دي ماری ماکن. اولر بیسا فون
ماسوق کي کو لوبغ
دولو، فس تلن تلور
تو فول. اه! براس
سوک هاتيله. لفس تو
دي فالیغ کلیق. تکق
فون لکت دتمفت بونچیہ تو. دي فون رمبس توبوه دلنتي



سڪالي بري فڇه. ايسي تلور فون سرا دالم فروت بري
 براس سدڦ. لفس تو دي كليق تيدور دتمفت دي. بيني
 فون ماري تيغوق لاکي دي دوق تيدور. دي کات: «جاڻ
 بري موليق ۲! کالو کاچڻ توروت جالن تو، نق بوليه سوسه
 ساج!» تافي لاکي دي فڇم مات بوات تا دغر.
 سسوغڻوهڻ دي دغر ده، تافي سوارا دالم هاتي دي دوق
 کيچيق درس لاکي، کات: «تا افله، کيڻ ده!»



ماسوق هاري يڻ کتيڪ،
 هاري يڻ امفت . . اولر بوپي
 سوارا ايم برکتق فول، دي
 فون کي، تالن تلور سڪالي
 لاکي. بيني دي فون مڱيفيق
 کهور تروق لاکي، کران بيمبڻ
 کا لاکي دي. تافي لاکي دي جواب سعمور کات: «تا افله!
 تا جادي بهيا!»

باليق رومه تو نيين، انق جنتن دي دوق کيچيق دغن
 چي کات: «هي وان! هاوڻ بوپي ايو ايم دوق برکتق
 بايق هاري ده . . باء اف تا اد تلور سبوتير هابوق؟ چي
 دي فون بري نصيحة کا دي کات: «فاکي ايسوق، هاوڻ
 کنا منوسوف ننڍي تيغوق، اف هق جادي دغن ايم تو».

انق تو نيين فون کي منوسوف باليق تين برس دکت

تمفت ايم دوق تو. مق کتق فون ماري برتلور. بيللا برتلور ده، دي فون برکتق دغن سوک هاتي. سبنتر لاکي اولر کلوغسور ماسوق کوؤ لوبغ تو سروف سعمور، کي تلن تلور تو سلالو. دي تائثغوق کيري کانن، سبب تائياس جادي بهيا دسيتو.

انق توؤ نيين دوق فرهاتي تيغوق سموا فرکارا هق اولر بوات. دي نمفق بالس مان اولر توبيت کي. مولا ۲ دوق لکت دتمفت بونچيه، فس رمبس توبوه دي بري فچه تلور بارو بوليه توبيت کي. انق توؤ نيين فون دوق فيکير کي، فيکير ماري. سود سکالي دي سوک، کات: «اه! اکو فيکير بوليه ده!»

فاکي ايسوق، دي امبيق تلور لائين سبوتير کي ربوس بري ماسق. فس تو دي کي ننتي دتمفت ايم دوق برتلور تو. تالام مق کتق ماري برتلور. برتلور سوده ده، دي دوق برکتق دغن سوک هاتي سروف سعمور. اولر هق دوق دسارغ دي ديق نون، توبيت ماري نق ماکن تلور سروف سعمور. انق توؤ نيين فون امبيق تلور هق ربوس کي توکر دغن تلور تو. تلور هق ربوس دغن تلور هق بارو تو، کوليت دي سروف، تافي هق




ربوس تو فانس سيكيت.

اولر بيسا فون ماسوق سروف سعمور، مات دي دوق
اينتي كا تلور سمات، تائمنفق دوا اورغ دوق منوسوف
باليق تين هق دوق سوسون
تو. دي تائكيرا سيكيت هابوق
كا نصيحة بيني دي هق كات:
«مو چاري سوسه بوه توبوه مو
ساج!» دي كي تلو سلالو
تلور تو. تافي هاري ني فليق
سيكيت. «اوهوه! (دي كات)



بغكالي مق كتك ني دم؟ تلور دي فانس هاري ني!» دي
فون فاليج كليك كو لوبغ تو سروف سعمور.

دي دوق توبيت كي، فس لكت دتمفت بونچيه تو
سروف سعمور. دي فون رمبس توبوه دي نق بري فچه،
تافي هاري ني تائفچه. «ايش! (دي كات) كان كوليت تلور
كرس ساغت هاري ني؟» دي فون رمبس كهوور درس لاكي،
تافي تلور تائفچه جوكت. دوق رمبس كي رمبس ماري،
تاجادي، بارو دي براس تاكوت.



انق تو نيبیغ فون هوغكل
توبيت، اغكيت توغكت دي
كاتوق اولر سلالو، بلغ ۲ کات:

«ها! نيله اوبت فپاڪيت چوري!»

براس سدف کا دق تلور هق چوري تو؟» دي فون کاتوق
لاکي بق! بق! سمفي ماتي. سکت توله چريتا اولر هق
کيرا کات دي چريديق.



فق لوغ تان اورغ ۲ هق دوق دغر تو: «کالو کيت
بوات دوسا، بوليه کا دق نق لاري لفس حکومن اتس دوسا
تو؟ تنتو تاءليه! اد ايات دالم کتاب توهن هق رويت بالس
تو جوک، مقصودن:

دوسا هق مو بوات تو مستي کنا کليق
نائیک اتس کفلا مو بلاکغ هاري.

بيلا اورغ لائين کليق هابيس، تيغکل بودق سئورغ،
نام دي عمر. دي نق کيچيق لاکي دغن فق لوغ، کات:
«امب مالس نق ايغت کا حکومن اتس دوسا کيت تو. کنا
بوات لاکو مان، نق بري لفس فد حکومن تو؟»

فق لوغ جواب کات: «عمر نق بري لفس فد حکومن
دوسا تو دغن ديري سنديري تاءليه. تافي اد ساتو جالن
هق توهن سيمفن سيف ده . . ننتي دغر مالم ايسوق،
کران تاءدان نق هوري مالم ني!»

